



## Ministaup Uqaqtakhangit

Nampa\_\_\_\_\_

Ublumi\_\_\_\_\_

Ministauyuq Eva Aariak  
Maligaliqiyikkut

### **Hitamauhia Kuatiliqinirmi Apirhuiyuuyuk Nunavunmut**

Uqaqtittiyii, tatja quyagiumayara tikkuqaqtaulihaaqhimayuq Nangariyauyuq Neil A. Sharkey kuatiliquni Apirhuinnguqtaukmat Nunavut Kuatiliqinirmut Maligaliqiyikkunni. Mr. Apirhuiyi Sharkey ilauvaktuq Nunavut Maligaliqiyirvinga 1999mit; Nunatsiap Maligaliqiyirvingatauq 1983mi, Maligaliqiyirvingatauq Saskaatsuwami 1976mi. Mr. Apirhuiyi Sharkey ilauvaktuq ayuirhainiqmut maligaliqinirmut Nunavunmi allatqiini havaaqarhuni, Akigaqtiupluni nanminiqagtut apirhuiyuuyut unalu Tukimuaqtittiyi Maliganik Tukisiniakvik amigaittunik ukiunik. Mr. Apirhuiyi Sharkey piqaqtuq ilitariyauyumik ayuittiaqhimayuq ihuinaaqtunut kuatiliqtuqtaujjutinga anginiqaqtunik ihuinaaqhimayuniklu kuatiliqiniq.

Ilihimagutit, tamna Apirhuiyi Havakvinga akhuuqhuni piyuq pipkaigiami pitquhiliriniqmut-ihuariyuq, ihuaqtumik ikayuutauhimayuniklu Apirhuiyi havaangit Nunavummiunut naunairhimayurlu ilanga tamna huuq piyuq nutqautigiyauyuq kuatilirangit, ayurhautiqalirangata, allatlu kuatiliqiningit ihariagiyaqmat hitamakhaanik Apirhuiyuuyukhamik. Angayukhiyuq

Apirhuiyuuyuk, Nangariyauyuk Beverly Browne naunaiqtaa qangannuaq “piqalluanngitmat kuatiliqinirmut ikayuutikhangit Nunavunmi ayurhaitihimmaarutauyuk ihumaalutigiyauyurlu”. Maligaliqiyikkut Nunavut Kavamangani, ikayuqtauplutik munariyauplutiklu kaanatap havaqatigiiqarhutik, akhuuqhutik piyait angikliyuumiqtukhamik kuatiliqinirmut ikayuutikhamik nunaptiknut. Tamna tikkuqaqtauniq Nangariyauyuk Apirhuiyi Judge Sharkey pipkaitjutauyuk akhuurutikput, unalu tikkuqaqtauninnga ikayuutautiniaqtuq titiqqilirnirmut Apirhuiyuuyunut Nunavunmi, naunaiqtiqlunilu amigaittuyut ikikliutihimaninngit nuutiqaqtauninngillu kuatiliqinirmi.

Maligaliqiyikkut havakhimmaaqniaqtut iharhigiami ihariagininngit Apirhuiyitkut Nunavunmiunut; angikliyuumiriami apirhuiyitkunni ikayuqtingit qaffiuraaluitlu Kuatiliqinahuat Ikayuutautit manikharvikhangit piinarialik nunavunmi, akhuuriamiklu pipkaigiami tamaita Apirhuiyitigut-pihimayut ihariagininngit Nunavunmiutat piumamayamiknik pigiamikni.

Quanaqqutit, Uqaqtittiyii.